



## **Reuerendi Patris P. Hieremiæ Drexelii e Societate Iesu Opera omnia**

Duobus nunc Voluminibus comprehensa, & libellis ante hac non editis  
aucta ; Illvstrata, Indicibvs Moralibus, Locorum S. Scripturæ, Capitalium  
Mysteriorum fidei, Rerum, & Concionum quouis anni tempore habendarum  
; Congestis Et Compositis Methodo prorsus, alijs Auctoribus inusitata ; Sed  
Theologis ...

**Drexel, Jeremias**

**Antverpiæ, 1643**

Disce mori, id te doceant repentinæ mortis insidiæ.

---

[urn:nbn:de:hbz:466:1-77028](https://nbn-resolving.org/urn:nbn:de:hbz:466:1-77028)

Prov. c. 15.  
vers. 33.  
Humilis  
non vult  
videri hu-  
milis, sed  
vilis.

Ecclesi. cap. 3.  
vers. 20.

Disce VIVERE: id te doceat lex Humilitatis.

**G**loriam praecedat Humilitas. Et qui sine Humilitate virtutes congregat, in ventos pulverem jactat. Verè modestus & humilis non vult modestus & humilis, sed vilis videri, cum affligitur & contemnitur, sibi ipse identidem occidit: HIS OMNINO DIGNVS ES. Cadere vult, non ascendere, qui ad alta non per infima tendit: perire vult, qui se in superbiam & pretium sui praecipitat. Quanto magnus es, humilia te in omnibus. Et quæso cur spectatores tibi deligis in terrâ, cum theatrum habeas constructum in caelo? quid sterilem gloriolam aucuparis, cui gloria æterna promittitur? Nihilominus Humilitatis umbram multi, veritatem pauci sestantur. Humilem ostendit indefessa patientia, & generosus summet conceptus. Et hoc tibi longè sit certissimum de teipso: Tanto major eris in oculis Dei, quanto minor fueris in tuis: tanto Deo pretiosior, quanto tibi ipse vilior.

Disce ORARE: id te doceat commendatio animæ in manus Creatoris: In manus tuas, Domine, commendo spiritum meum.

**I**am commendo sanus & valens, ut commendatum habeam, ô Christe, quando illum commendare non potero amplius, et si suis vinculis nondum solutum. Timeo tempus illud, quo inter vivos ero, nec esse me sciam. Videmus in plerisque moribundis id fieri. Spiritus vivunt, & vivere se nesciunt. Quis palpitantem tunc spiritum & migrare trepidantem tandem tamen ex amico carcere migrantem recipiat, si tu excludas, orbis Conditor: Christe patientissime recordare, etiam te in extremis illis angustis lacrymatum, & deseri questum esse, spiritum Patri commendasse, exclamasse, expirasse: Ad te ego jam clamo, ut tu meus servator spiritum meum suscipias, quocumque morbo, tempore, loco, è corpore abeuntem. Recordare, bone Jesu, in cruce te brachia expandisse, pectus aperuisse, caput inclinasse, Ecce, anima mea à rebus creatis omnibus deserta refugium querit: in illa tua brachia sese immittit, in tuum illud pectus sese ingerit: admittit, obsecro, miseram, & ne inde extorta, donec ita Dei transeat. Hic secuta, hic ab inferorum satellitibus tuta lateat. Ergo, in manus tuas, Domine, commendo spiritum meum, immò tuum, quia tu eum creasti & reparasti: Figmentum tuum; ô Deus, ne despice.

Aspirationes ad Christum pro felici obitu.

**N**on ineres in iudicium cum servo tuo, dulcissime IESV, quia non iustificabitur in conspectu tuo omnis vivens. Ps. 142. vers. 2. Ne memineris, bone IESV, iniquitatum mearum, citò anticipent me misericordia tua, quia pauper factus sum nimis. Ps. 78. v. 8.

**I**llumina, mansuetissime IESV, oculos meos, ne unquam obdormiam in morte, ne quando dicat inimicus meus, prævalui adversus eum. Ps. 112. vers. 4. & 5.

**D**omine IESV Christe, fili Dei vivi, pone passionem, crucem & mortem tuam, inter iudicium tuum, & animam meam.

**O**mi amantissime Domine IESV Christe, ob honorem & virtutem, tua benedictio passionis, iube me adscribi in numerum electorum tuorum.

Ad omnes SS. Angelos ardens suspirium.

**S**ecuritate, subvenite, ô vos omnes beatissimi Spiritus, Sancti Angeli Dei, & cum in extremis vestram opem non amplius implorare potero, ne me deserite.

## HORA XI.

Disce MORI: id te doceant repentine mortis insidie.

**M**emento, homo somnium, cum cubitum te confers, quam plurimos somnum inchoasse &

A usque cōtinuasse, morte subitâ extinctos. Ita Sizara *sopo-ind. cap. 4.* rem mortis *faciens desecit. & mortuus est.* Quot sani cubitum *vers. 31.* jerunt, reperti mortui: quor inter colloquendum, cæ- *Ad rapio-* nandum, ridendum subito abrepti? mille modi sunt *dam vitam* leto. Unica venenata herbula, vulnusculeculum neglectum, *mors ha-* bet inau- *puistula vix conspicua, acinus uvæ, recti tegula, piscis metos ad-* spinula, guttula medicata, tenuissimus pilus, ipsa etiam *tus.* vel paulo corruptior aura necat hominem: ad vitam rapidam innumeros habet aditus insidiosissima mors. Ideo dies omnis & ordiendus cautissimè, & claudendus, optimus ordo est, à Deo diem incipere, & cum Deo finire: nec prius plumis se mergere, quam rationes sint positæ de luce transectâ. Nimium temerarius est, qui offenso & nondum propitiato Deo, audent obdormire. Sic somnum semper inchoa, ac si quis auri insuloret. *Hac nocte reperent ære animam tuam. Memento mori. Luc. cap. 11. vers. 20.*

Disce VIVERE: id te doceat lex Charitatis.

**D**iligentibus Deum, omnia cooperantur in bonum, omnia. *Ad Rom. 8.* Beatus, ô Domine, qui amat te, & inimicum pro- *vers. 7. & 1.* pter te. Causa diligendi Deum, Deus est; modus, sine modo diligere. Ubi thesaurus tuus, ibi & cor, & amor tuus est. Vis nosse ubi tuus thesaurus sit: attende quid ames, vis nosse quid ames: attende quid cogites. Ibi thesaurum condis, quod crebras cogitationes mittis. Ubi Dei oblitio est, ibi Deus thesaurus non est. Sed nec Deum amat, qui ullum hominem odit. Paulinum dogma nosti: *Si charitatem non habueris, nihil sum, et si ha-* *1. Cor. 13.* beam alia omnia. Et *Super omnia autem charitatem habe-* *vers. 13.* te. Licet ergo tota hortæ, totas vineas, aureos montes, gemmeas domos in stipem eroges, si vel unicum hominem odisti, nihil dedisti. Nunquam enim concordiam habebis cum Christo, si discors esse volueris cum Christiano. Tota lex Christi tribus litterulis includitur: *A.M.A.* Deum ama & omnes leges servasti. *Non habet cōcordiam cum Christo, qui discors est cum Christiano.*

Disce ORARE: id te doceat Oratio pro felici vita sine.

**S**anguine tuo, Christe Jesu, à peccatis omnibus lava me, & concede ut anima mea, cum è corpore migraverit, ante tribunal tuum appareat munda. O bone Jesu ne deseras me in ultimis angustis, in supremâ mortis luctâ, à quâ tota pendet æternitas. O mi redemptor in manus tuas spiritum meum jam commendo. Tua, ô mi Deus, sanctissima voluntas in me semper fiat, & in æternum.

Ad Christum crucifixum.

**A**doro te, Jesu Christe, & benedico tibi, quia per crucem tuam redemisti mundum. Salvator mundi salva me, qui per crucem & sanguinem tuum redemisti me. Trahe me ad te, ô bone Jesu, qui dixisti, cum exaltatus fuero à terrâ, omnia traham ad meipsum; te deprecor per pretiosum sanguinem tuum, quem pro me peccatore effundere voluisti, ut abluas omnes iniquitates meas. Creator & redemptor meus, Christe Jesu, totum me tibi trado, non me repicias; ad te venio, non me repellas. Ne projicias me à facie tua, & Spiritum sanctum tuum ne auferas à me. Ne perdat me iniquitas mea, quem creavit omnipotens bonitas tua.

Ad omnes SS. Angelos læminis moribundi gemitus, & impendentis iudicii memoria.

**O**vos omnes purissimi Spiritus, Sancti Angeli Dei, respicite in me. Hic ego jaceo gemens & suspirans, quia manus Domini tetigit me. Mors mihi in oculis est: mortalium jam nemo amplius, vos soli potestis succurrere. Iudicii dies mihi jam est inductus; cheu, comparandum est eorum summo Deo, & reddenda ratio de cogitatis, dictis, factisque omnibus. Scitis, ô beatissime mentes me vilem terræ vermiculum, quondam honoris vestro dicere aliquid aut facere conatum esse. Ah, ne me